



ACTA DO SEGUNDO EXERCICIO DO PROCESO SELECTIVO PARA A COBERTURA, MEDIANTE PERSOAL LABORAL FIXO, DUNHA VACANTE DE AUXILIAR DE AXUDA NO FOGAR A XORNADA PARCIAL, INCLUÍDA NA OEP DO CONCELLO DE CURTIS DO ANO 2020 PARA A ESTABILIZACIÓN DE EMPREGO TEMPORAL.


Sendo as 08:30 horas do día 3 de decembro de 2021, reúnense nas oficinas municipais sitas en Curtis os membros que forman parte do Tribunal Cualificador designado por Resolución da Alcaldía núm. 759/2021 de data 10/11/21, como órgano competente do proceso selectivo enriba referido.

Constitúen dito Tribunal:


- 
- Presidenta: Celsa M^a Casas López, técnica persoal laboral fixo da administración local.
 - Vogal: M^a Ermitas Sánchez González, técnica funcionaria de carreira da administración local.
 - Vogal: Marta Roca Souto, responsable da oficina electrónica, persoal laboral fixo da administración local.
 - Vogal: Antonia M^a Regueira Camaniel, auxiliar administrativa, persoal laboral fixo da administración local.
 - Secretario: Óscar López Figueroa, administrativo funcionario de carreira da administración local.




Procédese á elaboración do segundo exercicio do proceso selectivo de acordo ao establecido pola base quinta do mesmo, isto é:



“3. A FASE DE OPOSICIÓN constará de dous exercicios, un tipo test e outro de desenvolvemento dunha proba práctica relativa ás funcións do posto, ambos de carácter obrigatorio e eliminatorio, sen prexuízo da proba específica de coñecemento de lingua galega, que só será obrigatoria para os/as aspirantes que non teñan acreditado estar en posesión do nivel de coñecemento de galego requirido.



A proba práctica consistirá do desenvolvemento e execución dun suposto práctico proposto polo tribunal nun tempo máximo de quince minutos. O exame práctico terá unha puntuación máximo de 30 puntos, tendo que alcanzar 15 para entendela superado.”



O tribunal acorda que o suposto práctico consistirá nunha transferencia de cadeira de rodas a cadeira convencional dun paciente con inmovilización dun lado do corpo coma consecuencia da rehabilitación dun ictus.

Sendo ás 09:00 horas, procédese ao chamamento dos aspirantes de acordo ao establecido polas bases, así coma a súa identificación por medio da presentación do DNI.

O chamamento comeza a realizarse pola orde alfabética segundo a primeira letra do apelido, comezando pola letra que resulte do sorteo ao que se refire o artigo 9 do Regulamento de selección de persoal da Comunidade Autónoma do 20 de marzo de 1991, que para este 2021 é a letra “Y”, segundo a Resolución de 29 de xaneiro de 2021 (DOG nº 24 05/02/21).

Realizado o chamamento, constan coma presentados e non presentados os seguintes aspirantes:

DNI	Apelidos e Nome	Presentado
***8837**	García Fandiño, Mercedes	SI
***0325**	Pérez Sánchez, Laura	SI

Os aspirantes son trasladados ao salón de actos anexo a onde se realizarán as probas, onde se lles da explicación do procedemento a seguir para o desenvolvemento da proba práctica. Así, os aspirantes esperarán a súa queda no devandito salón, onde serán chamados de xeito individual para realizar a proba.

Co fin de preservar a igualdade de condicións no desenvolvemento da proba, os aspirantes restantes deberán agardar a súa queda no salón de actos, informando tamén que queda prohibida a utilización de dispositivos electrónicos, tanto durante a espera no salón de actos coma durante a execución da proba práctica, facendo constar que aquel que incumpra dito acordo será expulsado da proba e calificado coma NON APTO.

Antes de comezar a proba práctica os aspirantes reciben de xeito verbal a información necesaria para poder resolver o suposto práctico, concedendo o tempo que consideren oportuno para a realización das cuestións que así consideren, xa que o tribunal acorda que durante o desenvolvemento da proba non se resolverá cuestión algunha.

Unha vez finalizada a proba, e logo da deliberación do Tribunal, tendo en conta os criterios de corrección anteriormente acordados, resultan as seguintes puntuacións:

DNI	Apelidos e Nome	Puntuación
***8837**	García Fandiño, Mercedes	28,00
***0325**	Pérez Sánchez, Laura	16,00

A base quinta tamén establece a necesidade de realizar a proba de galego para todos aqueles aspirantes que non teñan acreditado con anterioridade o CELGA.

4. PROBA DE GALEGO. Os/as aspirantes que non acrediten posuír o nivel de coñecemento de galego requirido deberán realizar unha proba que consistirá en traducir do castelán ao galego, nun tempo máximo de 30 minutos e sen axuda de dicionario, un texto facilitado polo Tribunal acorde ás características funcionais da vacante convocada.

Os/as aspirantes serán cualificados como apto/a ou non apto/a; quedarán eliminados do proceso selectivo aqueles/as aspirantes que non acaden a cualificación de aptos."

Acórdase que a proba de galego consista na tradución dun texto extraído do Diario Oficial de Galicia, resultando as seguintes puntuacións logo da súa realización aos candidatos que non acreditan con anterioridade o CELGA:

DNI	Apelidos e Nome	Puntuación
***8837**	García Fandiño, Mercedes	APTA
***0325**	Pérez Sánchez, Laura	APTA

Os aspirantes disporán dun prazo de dous días hábiles para efectuar as alegacións que estimen oportunas contra as puntuacións do segundo exercicio.

Logo das puntuacións do segundo exercicio, as puntuacións da fase de oposición queda da seguinte maneira, coas puntuacións dos aspirantes que superaron dita fase:

DNI	Apelidos e Nome	1ª proba	2ª proba	Total
***8837**	García Fandiño, Mercedes	20,00	28,00	48,00
***0325**	Pérez Sánchez, Laura	21,00	16,00	37,00

As puntuacións totais do procedemento serán establecidas na acta de resolución de alegacións da fase de concurso, a cal atópase todavía en prazo.

Sendo as 11:45 horas, levántase a sesión, en Curtis, 3 de de decembro de 2021.

A presidenta

O secretario

Os vogais

